

## Izveštaj o radu Uprave policije MUP-a Kantona Sarajevo za mjesec juli 2022. godine

### KRIMINALITET

#### STATISTIČKI POKAZATELJI

U mjesecu julu 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 339 događaja sa obilježjem krivičnog djela (što je za 19 ili 5,9% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 161 ili 47,5% je evidentirano po poznatom izvršiocu, a 178 ili 52,5% po nepoznatom izvršiocu.

Od ukupno 178 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 43 ili 24,2% (što je za 6,8% više u odnosu na uporedni mjesec) od čega je 12 događaja evidentirano u mjesecu julu ove godine, a 31 u ranijem periodu.

U izvještajnom mjesecu Uprava policije MUP-a Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 136 obavijesti (135 manje) o događajima u kojima je prčinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JULU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>JULI 2022. GODINE</b>	<b>339</b>	<b>161</b>	<b>178</b>	<b>43</b>	<b>31</b>	<b>176</b>	<b>4</b>	<b>104</b>	<b>84</b>	
JULI 2021. GODINE	320	159	161	28	23	183	0	109	86	
uporedba	+/-	19	2	17	15	8	-7	4	-5	-2
	%	5,9%	1,3%	10,6%	53,6%	34,8%	-3,8%	---	-4,6%	-2,3%

U toku mjeseca jula ove godine prijavljeno je 176 lica (sedam manje), od kojih su 104 povratnika (pet manje) ili 59,1% od ukupnog broja prijavljenih lica, četiri maloljetnika (u mjesecu julu prethodne godine nije bilo evidentiranih maloljetnika), a 84 lica su lišena slobode (dva manje).

Za događaje sa obilježjem krivičnog djela, koji su evidentirani u mjesecu julu 2022. godine, prema izjavama oštećenih lica, nastupila je materijalna šteta u ukupnom iznosu od 568.667,00 KM i 650 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JULU 2022./21. GODINE  
NA PODRUČJU KANTONA SARAJEVO PREMA KRIVIČNOM ZAKONU FBIH-a I BiH**

KZ FBiH-a i KZ BiH-a	JULI 2022. GODINE	JULI 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	<b>35</b>	25	10	40%	25	10	5	50%
Protiv slobode i prava čovjeka i građanina	<b>24</b>	15	9	60%	22	2	1	50%
Protiv spolne slobode i morala	<b>1</b>	2	-1	-50%	1	0	0	---
Protiv braka, porodice i mladeži	<b>12</b>	30	-18	-60%	12	0	0	---
Protiv zdravlja ljudi	<b>20</b>	32	-12	-37,5%	20	0	0	---
Protiv imovine	<b>206</b>	182	24	13,2%	49	157	34	21,6%
Protiv opće sigurnosti ljudi i imovine	<b>11</b>	11	0	isto	3	8	2	25%
Protiv sigurnosti javnog prometa	<b>9</b>	6	3	50%	9	0	0	---
Protiv pravosuđa	<b>4</b>	1	3	300%	3	1	1	100%
Protiv javnog reda i pravnog prometa	<b>14</b>	6	8	133,3%	14	0	0	---
Protiv podmićivanja i krivična djela protiv službene i druge odgovorne funkcije	<b>2</b>	6	-4	-66,7%	2	0	0	---
Dogovor, pripremanje, udruživanje i organizovani kriminal (KZ BiH)	<b>1</b>	0	1	---	1	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	<b>0</b>	4	-4	---	0	0	0	---
UKUPNO	<b>339</b>	320	19	5,9%	161	178	43	24,2%

U mjesecu julu 2022. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 19 ili 5,9%. Povećanje je zabilježeno u oblastima protiv imovine (za 24 događaja), života i tijela (za deset), slobode i prava čovjeka i građanina (za devet), itd., dok je smanjenje evidentirano u oblastima protiv braka, porodice i mladeži (za 18), zdravlja ljudi (za 12), "podmićivanja" (za četiri događaja), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom jula 2022. godine evidentirano je 35 događaja sa obilježjem krivičnog djela iz oblasti protiv života i tijela (deset više u odnosu na mjesec juli 2021. godine) i to 25 po poznatom i deset po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – jedan događaj,
- teška tjelesna ozljeda (član 172. KZ FBiH) – 11 i
- lahka tjelesna ozljeda (član 173. KZ FBiH) – 23 događaja.

Nadležnom tužilaštvu podneseni su službeni izvještaji protiv 27 lica, od koji je 11 povratnika (ili 40,7%), a osam je lišeno slobode.

**PROTIV SLOBODE I PRAVA ČOVJEKA I GRAĐANINA**

Iz ove oblasti evidentirana su **24 događaja** sa obilježjem krivičnog djela (devet više) i to ugrožavanje sigurnosti za čije je izvršenje prijavljeno 25 lica, od kojih je 12 povratnika (ili 48%), a pet je lišeno slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Novo Sarajevo – sedam, Hadžići – šest, Novi Grad – četiri, Centar – tri, Ilidža – dva, Vogoša i Stari Grad – po jedan događaj u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu julu evidentirano je 12 događaja sa obilježjem krivičnog djela (18 manje) i to nasilje u porodici za čije izvršenje je prijavljeno 12 lica, od kojih je pet povratnika (ili 41,7%), a devet lica je lišeno slobode.

PROTIV ZDRAVLJA LJUDI

Evidentirano je 20 događaja sa obilježjem krivičnog djela iz oblasti protiv zdravlja ljudi (12 manje u odnosu na uporedni mjesec) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva i
- posjedovanje i omogućavanje uživanja opojnih droga (čl. 239. KZ FBiH) – 18 događaja.

Nadležnom tužilaštvu podneseni su službeni izvještaji protiv 21-nog lica, među kojima je 14 povratnika (ili 66,7%) i 10 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv dva lica, zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 19 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Amfetamin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JULU 2022./21. GODINE

VRSTA OPOJNE DROGE	juli 2022. GODINE	juli 2021. GODINE
Marihuana (paketići)	4	54
Marihuana (u gramima)	56,836	2.129,069
Heroin (paketići)	4	1
Heroin (u gramima)	2	1
Amfetamin (paketići)	3	---
Amfetamin (u gramima)	5	1.074,441
Extazy (tablete kom.)	1	---
Extazy (u gramima)	---	2,61
Speed (u gramima)	5,828	---
Speed (paketići)	1	4
Kokain (u gramima)	---	11
pribor sa ostacima droge (komada)	1	5

PROTIV IMOVINE

U ovom mjesecu, evidentirano je 206 događaja sa obilježjem krivičnog djela protiv imovine (49 po poznatom i 157 po nepoznatom izvršiocu) što je za 24 ili 13,2% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 91 (jedan manje),
- krađa (član 286. KZ FBiH) – 68 (15 više),
- razbojništvo (član 289. KZ FBiH) – osam (devet manje),
- oštećenje tuđe stvari (član 293. KZ FBiH) – 11 (četiri više),
- prijevarama (član 294. KZ FBiH) – 16 (12 više),
- teška krađa u pokušaju (član 287. u vezi člana 28. KZ FBiH) – četiri (četiri manje), itd.

Nadležnom tužilaštvu podneseni su službeni izvještaji protiv 53 lica, od kojih su 42 povratnika (ili 79,2%), a 29 je lišeno slobode. Od ukupno 157 događaja evidentiranih po nepoznatom izvršiocu iz oblasti protiv imovine naknadno su rasvijetljena 34 ili 21,6% što je za 3,5% više u odnosu na juli 2021. godine.

Tokom mjeseca jula ove godine, prema objektima izvršenja teških krađa, 32 su izvršene u poslovnim prostorijama (14 više), 28 u stambenim objektima (šest manje), 15 u motornim vozilima (otuđenja motornih vozila i “provale” u ista) (10 manje), na ulici - deset (četiri manje), itd.

Evidentirana su tri otuđenja putničkih motornih vozila što je za šest ili 66,7% manje u odnosu na uporedni period. Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

Takođe, u julu 2022. godine pronađena su i vraćena tri motorna vozila. (Uprava policije MUP-a Kantona Sarajevo pronašla je i vratila – dva i vlasnik je pronašao – jedno vozilo).

Evidentirano je 68 događaja sa obilježjem krivičnog djela krađe (15 više) i to: u poslovnim prostorima – 27 puta, na ulici - 22, u stambenim objektima - devet, u vozilima i na stajalištima GRAS-a - četiri, ugostiteljskim objektima – tri, itd., odakle su otuđivani mobiteli, novčanici, prehrambeni proizvodi, gorivo, bicikli, alat, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (jedan manje), u kojima su izvršiocu, upotrebom fizičke snage (otimanjem i trganjem) u osam slučajeva i prijetnjom u jednom slučaju otimali mobitele, novac, nakit i tašne, a evidentirani su: na ulici - osam i u tramvaju – jedan. Nadležnom tužilaštvu podneseni su službeni izvještaji protiv šest lica, povratnika u činjenju krivičnih djela i svi su lišeni slobode.

U mjesecu julu ove godine evidentirano je osam događaja sa obilježjem krivičnog djela razbojništva (devet manje).

Nadležnom tužilaštvu podneseni su službeni izvještaji protiv četiri lica, povratnika u činjenju krivičnih djela i svi su lišeni slobode. U ovom mjesecu od ukupno sedam događaja razbojništava evidentiranih po nepoznatom izvršiocu, naknadno su rasvijetljena četiri ili 57,1% što je za 32,1% više u odnosu na uporedni mjesec.

Razbojništva su izvršena prijetnjom upotrebe vatrenog oružja - četiri puta, upotrebom fizičke snage - dva i prijetnjom upotrebe noža ili drugog oštrog predmeta - dva puta, a počinjena su na benzinskim pumpama i na ulici – po četiri puta. Otuđivan je novac, mobiteli i nakit.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 11 događaja (isti broj) i to: izazivanje opće opasnosti – deset i nesavjesno čuvanje pasa i drugih opasnih životinja - jedan događaj, a nadležnom tužilaštvu podneseni su službeni izvještaji protiv pet lica, tri su povratnika i tri lica su lišena slobode.

Događaji sa obilježjem krivičnog djela izazivanje opće opasnosti (deset događaja) evidentirani su na otvorenom prostoru – devet puta i u prostorijama suda – jednom, pri čemu je u dva slučaja pucano iz vatrenog oružja, četiri puta je otvorenim plamenom izazvan požar u tri slučaju aktivirana je nepoznata eksplozivna naprava i u jednom slučaju se radilo o lažnoj dojavi o postavljenoj eksplozivnoj napravi u prostorijama suda.

## PROTIV JAVNOG REDA I PRAVNOG PROMETA

U ovoj oblasti evidentirano je 14 događaja sa obilježjem krivičnog djela (osam više) i to: nasilničko ponašanje - sedam, krivotvorenje isprave – četiri, napad na službenu osobu u vršenju poslova sigurnosti – dva i ovjeravanje neistinitog sadržaja - jedan događaj.

Nadležnom tužilaštvu podneseni su službeni izvještaji protiv 16 lica od kojih je šest povratnika (ili 37,5%), a osam je lišeno slobode.

### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu julu 2022. godine evidentirano je pet događaja sa obilježjem krivičnog djela, u kojima su učestvovala četiri maloljetna lica (u julu 2021. godine nisu evidentirani događaji sa obilježjem krivičnog djela u kojima su učestvovala maloljetna lica). Prijavljeni maloljetnici su u dobi do 16 godina, a jedan je povratnik u izvršenju događaja sa obilježjem krivičnog djela.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JULU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
JULI 2022. GODINE	5	4
JULI 2021. GODINE	---	---
uporedba	+5	+4

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca jula 2022. godine na području Kantona Sarajevo evidentirana su tri događaja aktiviranja minsko-eksplozivnih sredstava (jedan u mjesecu julu 2021. godine) usljed čega je nastupila materijalna šteta.

Na području Kantona Sarajevo evidentirano je devet anonimnih dojava o postavljenoj eksplozivnoj napravi (nije bilo u julu 2021. godine), a odnosile su se na Policijske stanice Uprave policije MUP-a Kantona Sarajevo, zgradu Vrhovnog suda FBiH, Kantonalnog i Općinskog suda Sarajevo i tržni centar. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih događaja i pronalaženju učinilaca.

#### 1.4.2. POŽARI

Tokom mjeseca jula 2022. godine, na području Kantona Sarajevo registrovano je 11 požara (18 manje u odnosu na isti mjesec prethodne godine), koji su za posljedicu imali materijalnu šteta.

Požari su registrovani na području općina: Ilidža - pet, Centar - dva, Novi Grad - dva, Novo Sarajevo i Hadžići - po jedan požar.

Prema statističkim pokazateljima, pet požara je izazvano namjerno, dva zbog tehničkih nedostataka, jedan nehatom, dok uzroci tri požara spadaju u kategoriju ostalih.

Požari su registrovani u:

- Saobraćajnom sredstvu - pet,
- Stambenom objektu - dva,
- Pomoćnom objektu - dva,
- Ostalim objektima - dva puta.

Zbog izazivanja požara nadležnom tužilaštvu podneseno je pet službenih izvještaja: četiri iz člana 323 KZ FBiH (izazivanje opće opasnosti) i jedan iz člana 301 KZ FBiH (paljevina).

#### SAMOUBISTVA

U mjesecu julu 2022. godine na području Kantona Sarajevo registrovana su tri samoubistva (isto kao u mjesecu julu prošle godine) koja su izvršena: vješanjem - dva puta, upotrebom oštrog predmeta - jednom. Svi izvršioци samoubistava su osobe muškog spola sljedeće starosne dobi: 22, 54 i 61. godina.

#### 1.4.4. OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su tri pištolja, četiri noža i 20 komada municije raznog kalibra.

Tokom mjeseca jula ove godine fizičkim licima izdato je 191-no odobrenje za nabavku vatrenog oružja i 191 oružni list.

#### JAVNI RED I MIR

U toku mjeseca jula 2022. godine u oblasti protiv javnog reda i mira evidentirano je 495 prekršaja (10 ili 2,1% više u odnosu na isti mjesec 2021. godine), a za izvršenje navedenih prekršaja prijavljeno je 516 lica (1 ili 0,2% više).

Prilikom narušavanja javnog reda i mira u mjesecu julu 2022. godine, nije bilo teže povrijeđenih lica (isto kao u julu 2021. godine), dok je osam lica (sedam manje) lakše povrijeđeno.

Zbog učinjenih prekršaja u oblasti protiv javnog reda i mira izdato je 425 naloga i podneseno je 70 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 451 prekršaj (ili 91,1%), a na prekršaje koji su utvrđeni Odlukom općinskih vijeća o javnom redu i miru 44 ili 8,9%.

Od ukupnog broja prijavljenih lica, 123 su povratnika (lica koja su i ranije činila prekršaje), a prema starosnoj strukturi učinilaca prekršaja, najbrojniji su u dobi preko 36 godina (230), između 26 i 35 godina (191), između 19 i 25 godina (91) i do 18 godina – četiri učinioca.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA

ZA MJESEC JULI 2022/2021.GODINA

STRUKTURA PREKRŠAJA	JULI 2022.	JULI 2021.	+ - %
UKUPNO prekršajnih naloga i zahtjeva za ppp	495	485	+10 ili 2,1%
UKUPNO lica	516	515	+1 ili 0,2%
Prekršaji prema Zakonu o prekršajima protiv JRiM:	451	426	+25 ili 5,9%
-Tuča	18	39	-21 ili 53,8%
-Naročito drsko ponašanje	39	60	-21 ili 35%
-Odbijanje naređenja i omalovažavanje pol. služb.	27	35	-8 ili 22,8%
-Prosjačenje	205	190	+15 ili 7,9%
-Svađa, vika, nepristojno ponašanje	19	23	-4 ili 17,4%
-Ostali prekršaji	143	79	+64 ili 81%
Ukupno naloga/ zahtjeva prema Odluci o.v. o JRM	44	59	-15 ili 25,4%

Tokom mjeseca jula 2022. godine, u odnosu na julu 2021. godine, prema strukturi prekršaja povećan je broj sljedećih prekršaja:

- ostali prekršaji iz Zakona o JRiM za 64 ili 81%,
  - prosjačenje za 15 ili 7,9%;
- dok je smanjen broj sljedećih prekršaja:
- tuče za 21 ili 53,8%.
  - naročito drsko ponašanje za 21 ili 35%,
  - prekršaji koji su regulisani Odlukom općinskih vijeća za 15 ili 25,4%,
  - odbijanje naređenja i omalovažavanje policijskih službenika za osam ili 22,8% i
  - svađa, vika, nepristojno ponašanje za četiri ili 17,4%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (455 ili 91,9% od ukupnog broja), a znatno manje u ugostiteljskim objektima (20 ili 4%), u školama i školskim dvorištima, te u trgovinama i zanatskim radnjama – po jedan, a na ostalim mjestima 18 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JULI 2022/2021. GODINE

MJESTO IZVRŠENJA	JULI 2022.	JULI 2021.	+ - %
<i>Ulica i drugi otvoreni prostor</i>	455	458	-3 ili 0,6%
<i>Ugostiteljski objekti</i>	20	12	+8 ili 66,7%
<i>Sportski stadioni i dvorane</i>	---	---	---
<i>Škole i školska dvorišta</i>	1	---	+1
<i>Trgovinske i zanatske radnje</i>	1	---	+1
<i>Ostala mjesta</i>	18	15	+3 ili 20%
<b>UKUPNO</b>	<b>495</b>	<b>485</b>	<b>+10 ili 2,1%</b>

U odnosu na isti mjesec 2021. godine, povećan je broj prekršaja evidentiranih u ugostiteljskim objektima, u školama školskim dvorištima, u trgovinama i zanatskim radnjama i na ostalim mjestima, dok je broj prekršaja smanjen na ulici i drugim otvorenim prostorima.

Na području Kantona Sarajevo u mjesecu julu 2022. godine održano je 190 javnih skupova (28 ili 12,8% manje u odnosu na mjesec juli 2021. godine). Policijski službenici Uprave policije proveli su planske aktivnosti za bezbjedno održavanje javnih skupova, a u 55 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu julu 2022. godine registrovano je 708 saobraćajnih nezgoda (86 ili 13,8 % više), od čega je 611 sa materijalnom štetom (56 ili 10,1 % više) i 97 sa nastradalim licima (30 ili 44,8 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU JULU 2022./21. GODINE

	juli 2022.	juli 2021.	uporedba
<b>UKUPNO SAOBRAĆAJNIH NEZGODA</b>	<b>708</b>	622	+ 86 ili 13,8 %
Saobraćajne nezgode sa nastradalim licima	<b>97</b>	67	+ 30 ili 44,8 %
Saobraćajne nezgode sa materijalnom štetom	<b>611</b>	555	+ 56 ili 10,1 %
<b>POGINULO LICA</b>	<b>2</b>	0	+ 2
- vozači	<b>1</b>	0	+ 1
-putnici	<b>1</b>	0	+ 1
- pješaci	<b>0</b>	0	-----
<b>POVRIJEĐENO LICA</b>	<b>114</b>	96	+ 18 ili 18,7 %
- vozači	<b>65</b>	48	+ 17 ili 35,4 %
- putnici	<b>25</b>	36	- 11 ili 30,5 %

- pješaci	24	12	+ 12 ili 100 %
-----------	----	----	----------------

U naselju je registrovano 656 saobraćajnih nezgoda (jedna sa poginulim, 89 sa povrijeđenim licima i 566 sa materijalnom štetom), van naselja 52. nezgode (sedam sa povrijeđenim licima i 45 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JULU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	16	73	566	656	2	17	90
van naselja		2	5	45	52		2	5
<b>UKUPNO</b>	<b>1</b>	<b>18</b>	<b>78</b>	<b>611</b>	<b>708</b>	<b>2</b>	<b>19</b>	<b>95</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 354. nezgode u kojima su 54 lica povrijeđena (12 teže i 42 lakše),
- na magistralnim putevima - 72. nezgode u kojima je 19 lica nastradalo (dva lica poginula, 17 lica povrijeđeno, četiri teže i 13 lakše),
- na lokalnim putevima - 90 (15 lica povrijeđeno, jedno teže i 14 lakše),
- na regionalnim putevima - 21. (četiri lica povrijeđena, dva teže i dva lakše),
- na putevima koji se ubrajaju u kategoriju ostalih - 171. nezgoda u kojoj su 24 lica lakše povrijeđena.

#### POSLJEDICE SAOBRAĆAJNIH NEZGODA

Tokom mjeseca jula 2022. godine, u saobraćajnim nezgodama na području Kantona Sarajevo 116 lica je nastradalo (20 ili 20,8% više). Dva lica su poginula (u istom mjesecu prošle godine nije bilo poginulih lica), dok je 114 lica povrijeđeno (18 ili 18,7% više), od čega 19 teže (pet ili 35,7% više) i 95 lakše (13 ili 15,8% više).

#### LICA POVRIJEĐENA U SAOBRAĆAJNIM NEZGODAMA

Od ukupno 114 povrijeđenih lica u mjesecu julu 2022. godine, evidentirano je: 65 vozača (osam teže i 57 lakše), 25 putnika (dva teže i 23 lakše) i 24 pješaka (devet teže i 15 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - četiri lica,
- od 6 do 17 godina - 10,
- od 18 do 24 godine - 20,
- od 25 do 30 godina - 11,
- od 31 do 40 godina - 22,
- od 40 do 50 godina - 13,
- od 51 do 65 godina - 15,
- 66 i više godina - 11,
- Nepoznata strosna dob - 10 lica.



Starosna struktura nastradalih vozača u saobraćajnim nezgodama je slijedeća:

- od 18 do 23 godine - 11 lica,
- od 23 do 30 godina - 11,
- od 30 do 40 godina - 20,
- od 40 do 50 godina - 10,
- od 50 do 60 godina - sedam,
- 60 i više godina - pet,
- Nepoznata starosna dob - dva lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 110 (34 lica povrijeđena, četiri teže i 30 lakše),
- uticaj alkohola - šest (tri lica lakše povrijeđena),
- ostali uzroci - 592. nezgode (dva lica poginula, 77 lica povrijeđeno, 15 teže i 62 lakše).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca jula 2022. godine, policijski službenici Uprave policije MUP-a Kantona Sarajevo kontrolisali su:

- 15.235 vozila i vozača (407 manje),
- 7.646 lica u vozilima (3.916 više),
- pregledali 605 vozila (191 više) i 387 lica u vozilima (93 više).

Zbog tehničke neispravnosti iz saobraćaja je isključeno 45 vozila (pet više), 228 vozača je zatečeno da upravljaju vozilom pod dejstvom alkohola (82 manje), 400 lica bez korištenja sigurnosnog pojasa (61 više), 157 vozača bez položenog vozačkog ispita (osam manje), 42 vozača pod izrečenom zaštitnom mjerom (13 manje), 368 vozača je zatečeno da koriste mobilni telefon tokom vožnje (osam više) i 146 vozila koja su učestvovala u saobraćaju bez važeće registracije (145 manje).

Zbog kršenja propisa iz oblasti sigurnosti saobraćaja uručena su 15.474 prekršajna naloga vozačima (216 ili 1,4 % manje u odnosu na mjesec juli prošle godine) i podneseno 236 zahtjeva za pokretanje prekršajnog postupka (164 ili 227,8% više).

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca jula 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.845 prekršajnih naloga (91 više), upozoreno je 230 vozača (osam manje), a specijalnim vozilom "pauk" premješteno je 151. vozila (63 više).

Takođe, pješacima koji su kršili propise uručena su 143 prekršajna naloga (12 više), a upozoreno je 40 pješaka (22 više).

## **ZAKONITOST U RADU**

Tokom mjeseca jula 2022. godine, registrovana su tri pojedinačna napada (jedan manje) na policijske službenike Uprave policije MUP-a Kantona Sarajevo. U napadima su učestvovala tri punoljetna lica koja su u dva slučaja koristila fizičku snagu, a u jednom slučaju oruđa i druge predmete.

Takođe, u mjesecu julu 2022. godine registrovana su dva slučaja upotrebe sile-

Razmatrane su 33 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za devet predstavki (jedna više) provede unutrašnja istraga, dok je za 24 predstavke odlučeno da se izvrše provjere i prikupi dokumentacija.

Od 33 razmatrane predstavke, 24 su podnesene od strane građana, dok devet predstavki predstavljaju saznanja iz službe.

Okončana je jedna unutrašnja istraga za koju je Odbor donio zaključak da je neosnovana.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijski službenici Odjeljenja za prevenciju maloljetničkog prijestupništva, nasilja u porodici i Rada policije u zajednici u sklopu Ureda policijskog komesara su provodili aktivnosti u oblasti prevencije, koordinacije rada s vladinim i nevladinim organizacijama, implementacije javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokalne zajednice i policije.

Tokom mjeseca jula tekuće godine, realizovane su, između ostalih, slijedeće aktivnosti:

- Održana edukativna radionica na temu: „Tragovima Šerloka Holmsa“, za 26 učenika ljetne škole „Sinapse B&H“ u Sarajevu,
- Policijci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitinih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Ostvarivani kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani kontakti sa sekretarima i članovima Savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 1.458 migranata (632 ili 30,2% manje u odnosu na isti mjesec prethodne godine).

U mjesecu julu 2022. godine migranti su učestvovali u devet događaja sa obilježjem krivičnog djela (jedan ili 10% manje) i to:

- Teška tjelesna ozljeda (čl. 172 KZ FBiH) – četiri,
- Lahka tjelesna ozljeda (čl. 173 KZ FBiH) – jedan,
- Krađa (čl. 286 KZ FBiH) – jedan,
- Teška krađa (čl. 287KZ FBiH) - jedan,
- Razbojništvo (čl. 289 KZ FBiH) – jedan i
- Oštećenje tuđe stvari (čl. 293 KZ FBiH) – jedan događaj.

Tokom mjeseca jula 2022. godine, službenici policije proveli su tri akcije, kontrolisali su 56 migranata, jedan je upućen službi za poslove sa strancima radi registracije i dva migranata su smještena u prihvatne centre na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>MJESEC JULI 2022. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.458
UKUPAN BROJ KONTROLISANIH MIGRANATA	56
BROJ MIGRANATA LIŠENIH SLOBODE	7
BROJ KRIVIČNIH DJELA POČINJENIH OD STRANE MIGRANATA	9
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	7
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	3
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	3

**Sarajevo, 11.08.2022. godine**

**Odjeljenje za odnose s javnošću**